

东坡诗集注

卷十九



東坡先生詩集註卷九

貽贈

再過超然臺贈太守霍翔

倬超然臺在密州

昔飲雩泉別常山天寒歲在龍蛇間

續後漢鄭玄傳玄夢見孔子告之曰

起起今歲在辰來年歲在巳既悟以識合之知命當終注引北齊劉晝言玄曰辰為龍巳為蛇歲在龍蛇賢人嗟堯卿公辰年冬未罷知密州正在辰巳之間山中兒童拍手笑問我西去何

當還

厚後漢郭伋行部到河西美稷有兒童數百騎竹馬迎拜且問何日當還

十年不赴竹

馬約扁舟獨與魚蓑閒重來父老喜我在扶挈老幼相

遮攀當時襁褓皆七尺

次公周禮卿大夫辨夫家之可任者國中自七尺以至六十野

自六尺以及六十有五疏云七尺謂年二十六尺謂年十五許先生離密上云歲在龍蛇間由辰年至今乙丑

元豐八年才十年耳而云襁褓皆七尺則亦誇言之也

而我安得留朱顏問今太

守為誰歟護羗充國鬢未斑

自注翔自言在熙河作屯田有功續漢護羗校尉趙

充國擊先零上屯田策

躬持牛酒勞行役無復杞菊嘲寒慙

厚先生嘗

作後杞菊賦以譏公使庫之儉陋

超然置酒尋舊迹尚有詩賦鑱堅頑

孤雲落日在馬耳

次公馬耳山在密州先生雪詩云試掃北臺看馬耳

照耀金碧

開烟鬟却淇自古北流水

援水經注却淇之水出西南常山東北流入濰濰自箕縣

北達東武西北流合却淇之水漢琅琊有扶縣蓋却與扶同音

跳波下瀨鳴玦環願公

談笑作石埭坐使城郭生溪灣

臥病逾月請郡不許復直玉堂十一月一日鎖院

是日苦寒詔賜宮燭法酒書是侗院

微霰疎疎點玉堂

十朋玉堂詳見和章七出守湖州詩注

詞頭夜下攬衣

忙分光御燭星辰爛拜賜宮壺雨露香醉眼有花書字

大老人無睡漏聲長

厚劉禹錫詩老人無睡到天明

何時却逐桑榆暖

社酒寒燈樂未央

續薛令之題東宮詩帝見之續云若燠松桂寒任逐桑榆暖

冬至日贈安節

我生幾冬至少小如昨日當時事父兄上壽拜脫膝十

年閱凋謝白髮催衰疾瞻前惟兄三顧後子由一

次公唐孝

友傳李華作二孝贊顧後絕配瞻前無鄰

近者隔濤江遠者天一壁今朝復

何幸見此萬里姪憶汝總角時

十朋詩總角非今

啼笑爲梨栗

續淵明責子詩通子垂九齡但覓梨與栗

今來能慷慨志氣堅鐵石

邦衡皮日休桃

花賦序宋璟疑其鐵腸石心

諸心行復爾世事何時畢詩成却超然

老淚不成滴

成都進士杜暹伯升出家名法通往來吳中

欲識當年杜伯升飄然雲水一孤僧若教俯首隨韁鎖

續班嗣言貫仁義之

羈絆係名聲之韁鎖

料得如今似我能

柳子玉云通若及第不過似我

厚按先生詩話僕偶問通師子若不脫屣場屋今何爲矣柳子玉云不過似我能因戲爲此詩

祈雪霧猪泉出城馬上有作贈舒堯文

三年走吳越踏遍千重山朝隨白雲去莫與棲鴉還翩

如得木枕

次公此杜詩失木枕之反也

飛步誰能攀一爲符竹累坐

老敲榜間此行亦何事聊散腰脚頑浩蕩城西南亂山

如玦環

次公退之詩清玉刻佩聯玦環

山下野人家桑柘雜榛菅歲晏

風日暖人牛相對閑薄雪不蓋土麥苗稀可刪願君發

豪句嘲笑破天慳

靈隱前一首贈唐林夫

靈隱前天竺後兩澗春淙一靈鷲

續昔有胡僧見杭州靈隱寺云此山自天

竺鷲山飛來故人名之曰天竺山也

德揚圖經杭州靈

山之陰北澗之陽即靈隱寺靈山之南南澗之陽即天

竺寺二澗流水號錢源泉遶寺峯南北不知水從何處

而下至峯前合為一澗有橋號合澗橋

來跳波赴壑如奔雷

駒父韋應物聽嘉陵江聲云水性本亦靜石中固無聲如何兩相激

雷轉空山鳴

無情有意兩莫測肯向冷泉亭下相縈迴

夢仙圖經

云冷泉亭在飛來峯下唐右司郎中杭州刺史元稹建厚白樂天冷泉亭記東南山水餘杭郡為最就郡言靈

隱為尤由寺觀冷泉亭為甲
我在錢塘六百日

次公在錢塘六

亭在山下水中中央寺西南隅
百日雖是紀實暗使白樂天詩在郡六百日遊山十二
回也先生解杭守日別南北山道人詩云到郡依前六

百日山中不
記幾回來
山中暫來不暖席今君欲作靈隱居葛衣

草屨隨僧蔬能與冷泉作主一百日不用二十四考書

中書

續唐書郭子儀以身為天下安危
者二十年校中書令二十四考

和劉長安題薛周逸老亭周善飲酒未七十而致

仕

次公劉長安劉敞原父也薛周莫考其何人但
先生謂其善飲酒而子由有詩亦專稱其能飲

耳

近聞薛公子早退驚常流買園招野鶴鑿井動潛虬

次公

晉書言如野鶴之在鷄羣又
蜀都賦云動高鶴出潛虬

自言酒中趣

續晉書孟嘉
好飲愈多不

亂桓溫問嘉酒有何好而卿一斗勝涼州厚續漢書載燉煌張氏家

嗜之嘉曰公未得酒中趣耳傳曰扶風孟陀以蒲萄酒一斗遺張讓即得涼州刺史翻然拂衣去親愛挽不留

厚晉書鄧攸傳吳人歌攸曰隱居亦何樂素志庶可求鄧侯挽不留謝令推不去

所亡嗟無幾所得不啻酬青春為君好白日為君悠山

鳥奏琴筑野花弄閒幽雖辭功與名其樂實素侯續史記太

公曰今有無食祿之奉爵邑之人而樂與之比者命曰素封又曰千金之家乃與王者同樂豈所謂素封者邪

至今清夜夢尚驚冠壓頭誰能載美酒往以大白浮援說

苑魏文侯與大夫飲使公乘不仁為觴政曰飲不盡者浮以大白之子雖不識因公可

與遊

閱世亭詩贈任仲微

任公鎮西南嘗贈繞朝策

續左傳晉人患秦之用士會也謀歸之士會行繞朝贈之

以策曰子無謂秦無人吾謀適不用也

當時若盡用善陣無赫赫

援孫子曰善陣

者無赫赫之功

淒涼十年後邪正久已白却留封德彝天意渺

難測

續魏證勸太宗行仁義封德彝笑之其後果治太宗曰恨封德彝之不及見也次公杜牧詩可憐正

觀太平後天且不留封德彝

象賢真驥種號訴甘百謫

次公前漢陳遵日出醉歸

曹事數廢西曹以故事適之侍曹詰寺舍白遵遵曰滿百乃相聞以故事有百適者斥適讀為謫

豈云

報仇讐禍福指絡脉

子仁秦少游作任師中墓表元豐中公知瀘州使者誣奏公西南乞

第過江安時不時掩擊乃延儒生講書疑有私謁朝廷疑之乃先使人下章於他郡各窮竟所考未具而公卒時當途者以公既沒為使者道地公之子大防三詣闕上書陳冤狀獄不敢變使者竟免大防即仲微也

高

才食舊德

子仁文選班固西都賦士食舊德之名氏食舊德字出周易

但恐里門窄

潁前漢千定國云少高大門閭令容駟傷心千騎歸次

馬車我治獄多陰德子孫必有興者

千騎太守事古陌上桑云贈印黃壤隔惟有亭前檜閱

東方千餘騎夫婿居上頭

世不改色千年與井在記此王粲宅援杜詩應同王粲宅留井峴山前

贈潘谷祖謙志林云賣墨者潘谷余不識其人然聞其所為非市井人也墨既精妙而價不

二士或不持錢求墨不計多少與之一日忽取欠墨錢券焚之飲酒三日發狂浪走遂趨井死

人下視之蓋跌坐井中手尚持數珠也見張元明言如此

潘郎曉踏河陽春次公潘郎晉潘岳也嘗為河陽令明珠白壁驚市人

厚潘岳美姿儀與夏侯湛交每止行同轡接茵京師謂之連璧那知望拜馬蹄下續岳性輕

躁趨勢利與石崇等諂事賈謐每候其出輒望塵拜胸中一斛泥與塵何似墨潘

穿破褐琅玕翠餅敲玄笏布衫漆墨手如龜未害冰壺

貯秋月世人重耳輕目前區區張李爭媿妍

援宋朝張遇李廷珪

墨爲時所重

一朝入海尋李白

續杜詩巢父掉頭不肯住東將入海尋烟霧又云南尋禹

穴見李白道甫問信今何如堯卿先生既作此詩後潘谷因事落井而死人以爲此詩識

空看人間

畫墨仙

須溪尋李白本無謂殆識語耳然得名墨仙幸矣志林豈又欲實此語邪堯卿未必志林也

送南屏謙師

并序

南屏謙師妙於茶事自云得之於心應之於手非可以言傳學到者十二月二十七日聞軾遊落星遠來設茶作此詩贈之

道人曉出南屏山來試點茶三昧手忽驚午盞兔毛斑打作春蟻鵝兒酒天台乳花世不見玉川風腋今安有

先生有意續茶經會使老謙名不朽

續王川子茶歌七
枕喫不得也惟覺

兩腋習習清風
生陸羽作茶經

又贈老謙

瀉湯舊得茶三昧覓句近窺詩一斑

續王獻之云管中
窺豹時見一斑

清夜漫漫困搜攪齋腸那得許堅頑

予少年頗知種松手植數萬株皆中梁柱矣都梁

山中見杜輿秀才求學其法戲贈二首

露宿泥行草棘中十年春雨養髯龍

次公都梁山泗上
之山也髯龍以言

松西京雜記載松
有五鬣七鬣之名如今尺五城南杜

續雞跖集韋曲杜
鄠近長安諺云城

南韋杜去
天尺五

欲問東坡學種松

東坡先生集卷九

貽贈

君方掃雪收松子我已開榛得茯苓

厚抱朴子松脂入地千歲化為茯苓

為問何如插楊柳明年飛絮作浮萍

次公世言楊花入水經宿為浮萍

贈善相程傑

心傳異學不謀身自要清時閱搢紳
火色上騰雖有數

續唐岑文本謂馬周鵞肩火色騰上必速恐不能久

急流勇退豈無人

次公本朝錢若水見

陳搏先生有一僧擁褐對坐謂若水非神仙骨但

却得好官能於急流中勇退爾其僧乃白閣道者

苦覓元非訣醉裏微言却近真我似樂天君記取華顛

賞遍洛陽春

師白居易退老洛中二十餘年

贈虔州術士謝晉臣

屬國新從海外歸

續蘇武自匈奴歸拜典屬國

君平且莫下簾帷

厚嚴

君平賣卜成都閱數人得百錢以自養則閉肆下簾而授老子前生恐是盧行者次公盧行

者第六祖也名惠能韶州南華寺乃其道場按傳燈錄即得法於弘忍太師者是已後學過呼韓

退之死後人傳戒定慧次公傳燈錄法海禪師初見六祖問曰即心即佛願垂指喻師

云聽吾偈曰即心名慧即佛名定定定慧等持意中清淨蓋佛氏謂戒生定定生慧也生時宿直斗

牛箕子仁先生蓋自謂生時與退之相似蓋命宮在斗門而身宮亦在焉故其詩曰我生之辰日宿南斗

事見本集憑君為筭行年看次公杜詩憑君為筭小行年便數生時到死

時

過雲龍山人張天驥

郊原雨初足風日清且好病守亦欣然肩輿白雲道荒

田咽蛩蚓村巷懸梨棗下有幽人居閉門空雀噪西風

高正麗落葉紛可掃孤僮臥斜日病馬放秋草墟里通

有無垣墻任摧倒君家本冠蓋絲竹鬧鄰保脫身聲利

中道德自濯澡躬耕抱羸疾

次公陶潛云躬耕自資遂抱羸疾

奉養百

歲老詩書膏吻頰菽水媚翁媪飢寒天隨子杞菊自擷

芼

續陸龜蒙自號天隨子常食杞菊及夏五月枝葉老硬氣味苦澀猶食不已因作杞菊賦以自廣云爾杞

未棘爾菊未

莎其

慈孝董邵南雞狗相乳抱

厚韓退之詩嗟哉董生孝且慈

無人識惟有天翁知生祥下瑞無時期家有狗乳出求食雞來哺其兒

吾生如寄耳歸計

失不早故人豈敢忘但恐迫華皓從君學種秫

厚晉陶潛為彭

澤令在縣公田悉令種秫日使吾常醉於酒足矣

斗酒時相勞

援楊惲曰歲時伏臘斗酒自勞

訪張山人得山中字二首

魚龍隨水落

子仁杜詩水落魚龍夜又云魚龍迴夜水

猿鶴喜君還

次公孔稚圭北

山移文云蕙帳空今夜鶴怨山人去今曉猿驚

舊隱丘墟外新堂紫翠間

次公杜牧

之詩千峯

野麋馴杖履幽桂出榛菅

次公退之寄崔二十六云稱多量少

鑒裁密豈念

灑掃門前路山公亦愛山

張故居爲大水所壞新卜此室

故居之東援山公山簡也公自謂

萬木鎮雲龍

山名天留與戴公

子仁戴符常乞買山錢於千頓詩意或指此又潤州

有戴

路迷山向背人在灤西東

續灤水在夔州奉節縣出於山谷間南入江楚

俗謂水可步者爲灤杜詩灤西灤東

薺麥餘春雪

倬退之琴

操云霜雪質

櫻桃落晚風入城都不記歸路醉眠中

留薺麥之茂

雨中過舒教授

疎疎簾外竹瀏瀏竹間雨
牕扉靜無塵几硯寒生霧
美人樂幽獨有得緣無慕
坐依蒲褐禪起聽風旣語
客來

澹無有灑掃涼冠屨濃茗洗積昏
妙香淨浮慮

子仁杜詩云心

清聞妙香

歸來北堂闇一一微螢渡此生
憂患中一餉安閒

處飛鳶悔前笑

援馬援謂官屬曰吾從弟少游常哀吾慷慨多大志曰士生一世但取衣食纔

足乘下澤車騎歟畧馬鄉里稱善人足矣至求盈滿但自苦耳當吾在浪泊西里間虜未滅之時下潦上霧毒氣熏蒸仰視飛鳶跼跼墮水中引念少游平生時語何可得也
黃犬悲晚悟

援李斯臨刑謂中子

曰吾欲與若復牽黃犬俱出上蔡東門逐狡兔豈可得也

自非陶靖節誰識此間趣

大寒步至東坡贈巢三

春雨如暗塵春風吹倒人
東坡數間屋巢子與誰鄰
空